

# ZAPISNIK SA "FORUMA GRAĐANA" BRČKO DISTRIKTA BIH

**Opština: Brčko distrikt BiH**

**Mjesna zajednica:** MZ „Bijeljinska cesta“ Brčko distrikt BiH (objekat MZ, mjesto održavanja foruma)

**Datum: 11.02.2019. godine**

**Vrijeme: 16h**

**Ukupan broj prisutnih:** 33 učesnika iz reda građana i 3 predstavnika JLS (priloženi spisak prisutnih je sastavni dio ovog zapisnika)

## DNEVNI RED

1. Upoznavanje građana sa Javnim pozivom UNDP-a
2. Problemi u lokalnoj zajednici/određivanje prioriteta projekata
3. Razno

## Sažetak donesenih odluka/zaključaka

No	Tačka dnevnog reda	Zaključak Projektnog Odbora	Eventualni komentari	
1	Upoznavanje građana sa Javnim pozivom UNDP-a	Pozitivno prihvaćena informacija o javnom pozivu UNDP-a od strane građana	Nema	
2	Problemi u lokalnoj zajednici/određivanje prioriteta projekata: fasilitator Forum je odabrao metodu „Brainstorming“, koja je provedena izuzetno uspješno. Locirani su problemi i određena lista prioriteta projekata.	Izuzetno uspješno provedena metoda Brainstorming	Nema	
3	Razno	Građani su dali veliki doprinos uspješnom održavanju Forum putem svojih ideja.	Locirani potencijalni projekti za razvoj naše lokalne zajednice od strane građana. Koncept ovakvog načina razmjene ideja građana je izuzetno dobro prihvaćen. Zadovoljstvo što naša lokalna zajednica ima mogućnost da učestvuje u ovakvom projektu.	

## Detaljan zapisnik

U uvodnom dijelu Foruma, prisutnima se obratio predsjednik mjesne zajednice "Bijeljinska cesta" Brčko distrikta BiH, gospodin Žikica Novaković, koji je ujedno i koordinator Foruma. On je pozdravio prisutne građane na Forumu, kao i predstavnike Pododjeljenja za podršku MZ, NVO i UG, koji su bili ujedno i predstavnici Vlade brčko distrikta (JLS) na ovom Forumu i svojevrsna podrška u organizaciji istog, odnosno koji su bili pozvani od strane građana da prisustvuju Forumu. Predsjednik je istakao da je informisan o Javnom pozivu i to mu je dalo ideju da organizuje Forum kako bi se i građani informisali i eventualno svojim idejama doprinijeli da Brčko distrikt učestvuje u projektu. Prisutnima je objasnio novi koncept realizacije Foruma građana, a na osnovu metodologije dobijene kroz projekat "Jačanje uloge mjesnih zajednica u BiH" u sklopu UNDP.

Utvrđen je broj prisustvni građana na Forumu, što je kasnije i evidentirano na formi „Lista učesnika“ sa potpisima. Fasilitator Foruma je na sugestiju koordinatora, konstatovao da je Forumu pristupilo oko 30% žena, i oko 70% muškaraca, što je u skladu sa onim što je očekivano.

Nakon obraćanja gospodina Žikice Novakovića, riječ je uzela šefica Pododjeljenja za podršku MZ, NVO i UG, i u svom uvodnom izlaganju pozdravila prisutne u svoje ime i u ime šefa Odjeljenja za stručne i administrativne poslove, gospodina Srđana Blažića, koji je zbog ranije preuzetih obaveza bio spriječen da prisustvuje Forumu. Gospođa Radić Savić je zatim istakla da postoje brojni benefiti učešćem Brčko distrikta BiH u projektu UNDP-a „Jačanje uloge mjesnih zajednica u BiH“, i iz tog razloga naša jedinica lokalne samouprave podržava ovaj projekat u smislu određenog dijela sufinansiranja samog projekta, što će biti kasnije definisano u pismu namjere gradonačelnika Brčko distrikta. Osim toga, naše Odjeljenje stoji na raspolaganju i motiviše građane da identifikuju probleme i putem svojih projektnih ideja aktivno daju doprinos prema kandidovanju projekata koji će biti na dobrobit naše lokalne zajednice i poboljšati status mjesnih zajednica u Brčko distriktu. Pododjeljenje za podršku MZ, NVO i UG će stajati na raspolaganju građanima u procesu kandidovanja i pisanja projekta, te dati svoj doprinos u prikupljanju eventualne potrebne dokumentacije vezane za apliciranje.

### **AD1**

Nakon uvodnih obraćanja, prisutne je pozdravio i gospodin Srđan Kisić, viši stručni saradnik za Omladinski centar, koji je nakon toga u skladu sa prvom tačkom dnevnog reda upoznao prisutne građane detaljnije o Javnom pozivu UNDP-a, informisao ih da su vlade Švajcarske i Švedske izdvojile novac za ovaj projekat, koji provodi UNDP. Takođe, istakao je i da je predviđeno da se potencijalni projekat koji prođe finansira na način da UNDP izdvaja 70% sredstava dok jedinica lokalne samouprave izdvaja 30% vrijednosri projekta a za učešće u projektu, gradonačelnik Brčko distrikta bi trebao potpisati pismo namjere. Pomenuo je takođe da su se građani već ranije mogli o svemu ovome informisati i putem zvanične stranice Vlade Brčko distrikta, gdje je postavljen poziv na Forum građana kao i rezime javnog poziva.

## **AD2**

- Dejan Joveljić, viši stručni saradnik u Pododjeljenju za ljudske resurse u Vladi Brčko distrikta je nakon prve tačke dnevnog reda, takođe uzeo aktivno učešće u Forumu. Pozdravio je prisutne pomenuvši istovremeno i mnoge prednosti ovog Javnog poziva. Zbog prethodnog iskustva u pisanju projekata, organizaciji sličnih zborova i sl., predložio je fasilitatoru da metoda na Forumu bude na principu iznošenja ideja (brainstorming), koja je prihvaćena.

## **AD3**

Nakon uspješno realizovane metode na principu iznošenja ideja (brainstorming), građani su dali doprinos Forumu svojim komentarima da im je lakše sada posmatrati cijelu lokalnu zajednicu kada imaju većinu lociranih problema na jednom mjestu.

Ova metoda je bila odlična uvertira fasilitatoru Foruma da se građani izjasne o oblastima razvoja od značaja , a to su:

- Infrastruktura
- sport
- nacionalne manjine
- socijalna uključenost

treba napomenuti da je fasilitator Foruma sa kofasilitatorima i ostalim osobljem iz Foruma izuzetno upješno izvršio pripremu za Forum, postavljanjem panoa na kojima je ispisao gore pomenute oblasti, tako da je građanima bio olakšan i pojednostavljen način iznošenja projektnih ideja i markiranje istih.

Nakon što su građani evidentirali probleme, javljali su se za riječ i iznosili svoje projektne prijedloge, koji su uredno zapisivani na panoima. Kada su iznijeli sve svoje prijedloge i više se niko nije javljao za iječ, pristupilo se bodovanju projektnih prijedloga na način da je svaki prisutni građanim imao na raspolaganju po tri boda koja je mogao rasporediti prema sopstvenom nahođenju bilo kojoj projektnoj ideji ili više projektnih ideja. Dakle, mogao je ideje bodovati na način da sva tri boda dodijeli jednoj ideji koja mu se dopada, po principu 2+1 ili 1+1+1.

Pregled predloženih i bodovanih projekata građana po oblastima:

### ***INFRASTRUKTURA***

- Izgradnja sportskog igrališta (21)
- Rekonstrukcija ulice Safeta Pašalića (18)
- Zaštita zelenih površina (17)
- Postavljanje ležećih policajaca (15)
- Uređenje pijace (19)

## **SPORT**

- Uređenje postojećeg sportskog igrališta u naselju „Š“ (80)

## **SOCIJALNA UKLJUČENOST**

- Organizovanje prevoza za socijalno ugrožene kategorije djece (14)
- Škola za trudnice (24)

Ukupno 8 projektnih ideja je predloženo na ovom Forumu.

Fasilitator Foruma je izvršio uz pomoć građana klasifikovanje predloženih i bodovanih projekata, odnosno projekata koje bi građani željeli da se implementiraju u našoj lokalnoj zajednici. Najveću podršku je dobila projektna ideja koja se odnosi na uređenje postojećeg igrališta koje se nalazi u naselju „Š“, iz razloga što je to igralište mnogo oštećeno tokom dugog niza godina korištenja, a poznato je po tome što su na njemu prve odbojkaške i sportske korake napravili i neki od sadašnjih reprezentativaca BiH.

Forum građana proveden je u skladu sa metodologijom vođenja diskusija/panela/sesija/foruma.

Naša lokalna zajednica će, nakon potpisivanja pisma namjere za učestvovanje u ovom projektu od strane gradonačelnika Brčko distrikta, popuniti projektne obrasce i kandidovati ovaj projekat koji je dobio najviše bodova od strane građana Brčko distrikta koji su učestvovali na Forumu.

Fasilitator:

Sasa Skelic

Zapisnik vodio, Koordinator Foruma građana:

FIKO